

TAXA POLA PRESTACION DO SERVICIO NO CEMITERIO MUNICIPAL

ARTIGO 1.º - FUNDAMENTO E NATUREZA.

No uso das facultades conferidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases de Réxime Local, e de conformidade co disposto nos artigos 15 e 19 da Lei 39/1988, de 25 de decembro, reguladora das Facendas Locais, este Concello establece a taxa polo servizo do cemiterio municipal, que se rexerá pola presente Ordenanza fiscal, que nas súas normas atende ó previsto no artigo 58 da citada Lei 39/1988.

ARTIGO 2.º .-FEITO IMPOÑIBLE.

Constitúe o feito imponible da taxa a prestación dos servizos do cemiterio municipal de Carballo. Comprende a prestación de actividades relativas ó cemiterio municipal, tales como: concesión de nichos, apertura de nichos para inhumacións e exhumacións, traslados de cadáveres ou restos, permisos para colocación de lápidas, cambios de titularidade, vixilancia e conservación do cemiterio, e calquera outros que de conformidade co Regulamento de policía sanitaria mortuoria e demais lexislación específica sexan procedentes ou se autoricen a instancia de parte.

ARTIGO 3.º .-OBRIGA DE CONTRIBUÍR.

A) Orixínase cando se inicie a prestación dos servizos suxeitos a gravame, entendéndose que se inician no momento de solicita-la prestación destes.

No caso da taxa pola conservación, devengarase o día 1 de xaneiro de cada ano, e o período impositivo coincidirá co ano natural.

B) Non suxeición.

Considéranse non suxeitas as inhumacións ou exhumacións que ordene a autoridade xudicial. Tamén se considerarán non suxeitas as permutas de nichos cando o Concello sexa un dos interesados.

ARTIGO 4.º .-SUXEITO PASIVO.

Son suxeitos pasivos contribuíntes as persoas físicas e xurídicas e as entidades ás que se refire o artigo 33 da Lei xeral tributaria, solicitantes ós que se lles conceda ou autorice a prestación do servizo, e, en calquera caso, os titulares da concesión, herdeiros ou persoas que os representen.

ARTIGO 5.º .-RESPONSABLES.

Responderán solidariamente das obrigacións tributarias do suxeito pasivo as persoas físicas ou xurídicas ás que se refiren os artigos 38.1 e 39 da Lei xeral tributaria.

ARTIGO 6.º .-CRITERIOS XENÉRICOS DE CAPACIDADE ECONÓMICA.

Non se esixirá o pagamento para os servizos de enterramento de persoas pobres de solemnidade, cando a familia non pague ningún tipo de pompa fúnebre.

ARTIGO 7.º .-COTA TRIBUTARIA.

A cota tributaria determinarase atendendo ás seguintes tarifas:

Concepto:	importe.
1.-Concesión de nichos.	
1.1.-Nas fases do cemiterio executadas antes do ano 2002:	360,61 euros/nicho.
1.2.-Nas fases do cemiterio executadas no 2002 e sucesivas:	674 euros/nicho.
2.-Cambios de titularidade, cando proceda a súa autorización.	
2.1.-De mausoleos.	
2.1.1.-Por cesión. Por cada m2:	30,050605 euros.
2.1.2.-Por herdanza ou transmisión entre cónxuxes ou familiares ata o 3.º grao de parentesco. Por cada m2:	6,010121 euros.
2.2.-De nichos.	
2.2.1.-Por cesión. Por cada nicho:	20% valor vixente.
2.2.2.-Por herdanza ou transmisión entre cónxuxes ou familiares ata o 3.º grao de parentesco. Por cada nicho:	3 euros.
2.2.3.-Permuta, por causa xustificada. Por cada nicho permutado:	3 euros.
3.-Por licencias de apertura de sepulturas, para inhumacións ou exhumacións:	
3.1.-Por cada permiso de apertura en mausoleos. Por compartimento:	36 euros.
3.2.-Por cada permiso de apertura en nichos:	30 euros.
3.3.-Con redución de restos ou traslado para outro nicho deste cemiterio:	60 euros.
4.-Por autorización para colocación de lápidas, adornos, revestimentos de sepulturas, etc. Por cada nicho:	3 euros.
5.-Vixilancia e conservación do cemiterio. Por cada nicho ou compartimento. Por cada ano:	5 euros.

ARTIGO 8.º .-NORMAS COMPLEMENTARIAS.

1.- Os restos de cadáveres soterrados en calquera clase de sepultura poderán pasar ó osario, se así se solicita, sen pagar ningún dereito, sempre que a sepultura quede libre, efectuándose as operacións por conta do Concello e revertendo a sepultura desocupada a prol deste.

2.- Cando se produza un cambio de titularidade que poña de manifesto a existencia de anteriores transmisións que non fosen obxecto de autorización e pagamento de dereitos, aboarse o importe que resulte de liquida-las transferencias anteriores de acordo á ordenanza actualmente vixente.

3.- A colocación de lápidas, ou elementos ornamentais, axustarase ás condicións da autorización e ás normas que se poidan establecer para este caso.

4.- Como consecuencia da desatención das sepulturas de calquera clase, por parte de quen teña a súa titularidade, dando lugar a que aparezan en estado de ruína ou abandono que

produza perigo ou desmereza o necesario ornato e aspecto do contorno, o Concello poderá proceder á demolición ou retirada dos obxectos que se encontren deteriorados ou en mal estado, sen que proceda resarcimento ou indemnización ningunha por tal concepto.

5.- Toda clase de sepulturas ou nichos que, por calquera causa, queden vacantes, reverten a prol do Concello.

6.- O Concello poderá declara-la caducidade, revertendo á entidade local a plena dispoñibilidade dunha sepultura nos seguintes casos:

a) Por estado ruinoso da construción.

b) Por abandono da sepultura. Considerarase producido o abandono cando leven transcorridos máis de 10 anos dende a última inhumación realizada, e se produza a falta de pagamento dos dereitos de vixilancia e conservación durante igual período.

Tamén se considerará abandono se, despois de 10 anos da morte do titular, os seus herdeiros, ou persoas subrogadas, por herencia ou outro título, non solicitasen a transmisión ó seu favor.

A declaración de caducidade requirirá a incoación dun expediente administrativo no que se dará audiencia ós interesados. No caso de non ser coñecido o seu domicilio, publicarase o correspondente edicto no Boletín Oficial da Provincia, concedendo un prazo de dous meses para efectua-la comparecencia e poñerse ó corrente das débedas tributarias existentes ou efectua-la reparación que proceda.

Se o motivo do expediente fose o mal estado de conservación da sepultura, a comparecencia suspenderá a tramitación do expediente ata que pase o prazo que se conceda para a execución das obras procedentes. Transcorrido ese prazo sen que realizasen as obras, decretarase a caducidade do dereito mediante resolución da Alcaldía.

Declarada a caducidade das sepulturas de acordo co establecido nos parágrafos anteriores, o Concello poderá dispoñer destas unha vez trasladados os restos ó osario.

ARTIGO 9.º.-NORMAS DE XESTIÓN.

1.- Os suxeitos pasivos solicitarán a prestación dos servizos dos que se trate no Rexistro Xeral do Concello, achegando os documentos preceptivos necesarios para a súa tramitación, ou os que se requiran para tal efecto para fundamenta-la súa solicitude.

2.- Resolta a solicitude, practicarase liquidación, que será notificada ó interesado.

ARTIGO 10.-INFRACCIÓN E SANCIÓN TRIBUTARIAS.

En materia de cualificación das infraccións, así como das sancións que a estas correspondan en cada caso, estarase ó disposto na Lei 230/1963, do 28 de decembro, xeral tributaria.

DISPOSICIÓN DERRADEIRA.

A presente ordenanza fiscal, aprobada polo Pleno do Concello, entrará en vigor no mesmo día da súa publicación no Boletín Oficial da Provincia, e permanecerá vixente ata a súa modificación ou derogación expresa.

DILIXENCIA.-

Aprobación: Sesión ord. Pleno 19/11/2001. B.O.P. nº 298 do 31/12/2001.

Modificación: Sesión ord. Pleno 28/05/2002. B.O.P. nº 239 do 18/10/2002.

Modificación: Sesión extraord. Pleno 10/11/2003. B.O.P. nº 298 do 30/12/2003.

